
Bwrdd Iechyd Prifysgol Aneurin Bevan

Adroddiad Dadansoddiad o Berfformiad

2019/20



GIG
CYMRU
NHS
WALES

Bwrdd Iechyd Prifysgol
Aneurin Bevan
University Health Board

Adroddiad Dadansoddiad o Berfformiad

Ein perfformiad yn 2019/20

Fel yn achos Byrddau Iechyd ac Ymddiriedolaethau GIG eraill ar draws y DU, mae COVID-19 wedi cael effaith ar wasanaethau'r Bwrdd Iechyd. Er ein bod wedi parhau i ddarparu gwasanaethau hanfodol, ers mis Mawrth 2020, mae'r Bwrdd Iechyd wedi gorfod gohirio nifer o wasanaethau dewisol a gwneud gwaith ad-drefnu sylweddol ar ein wardiau ac o fewn ein hadrannau er mwyn creu llwybrau COVID a llwybrau nad ydynt yn llwybrau COVID er mwyn cadw ein cleifion a'n staff yn ddiogel.

Mae adrodd ar nifer o ddangosyddion cenedlaethol hefyd wedi cael ei atal dros-dro, er mwyn galluogi'r Bwrdd Iechyd i ganolbwyntio ar roi mesurau ar waith mewn ymateb i'r pandemig, ac o ganlyniad nid yw'r mesuriadau ar y Cerdyn Sgorio Cytbwys yn adlewyrchu'r perfformiad yn ystod y flwyddyn ariannol gyfan.

Mae'r adroddiad yn rhoi trosolwg o sut mae'r Bwrdd Iechyd wedi perfformio mewn perthynas â'i safonau a'i ddyheadau ei hun, yn ogystal â sut y mae wedi perfformio yn erbyn amryw o dargedau cenedlaethol y mae Llywodraeth Cymru wedi eu gosod ar gyfer holl Fyrddau Iechyd Cymru.

O ganlyniad i lacio trefniadau monitro oherwydd y pandemig, mae'r adroddiad hwn yn cwmpasu'r cyfnod o fis Ebrill 2019 i fis Rhagfyr 2019, ond pan fo hynny'n briodol, mae data blynyddoedd blaenorol hefyd wedi cael ei ddarparu er mwyn ein galluogi i wneud cymhariaeth. Dangosir perfformiad ar gyfer rhai o'r prif fertigau o fewn y maes.

Y Cerdyn Sgorio Cytbwys - Trosolwg

Mae'r Cerdyn Sgorio Cytbwys yn adnodd a ddarperir gan Lywodraeth Cymru. Mae'n fframwaith y gall GIG Cymru fesur perfformiad yn ei erbyn. Mae'n dangos cyfres o ddangosyddion safonol sy'n galluogi sefydliadau i werthuso eu perfformiad. Y Cerdyn Sgorio Cytbwys, felly, sydd wedi ei ddefnyddio fel sail i'r Adroddiad Perfformiad hwn.

Mae'r Cerdyn Sgorio Cytbwys canlynol yn dangos perfformiad y Bwrdd Iechyd yn erbyn y mesurau sy'n cael eu cynnwys yn y fframwaith ar gyfer 2019/20. Dylid nodi bod y Cerdyn Sgorio Cytbwys yn cwmpasu'r cyfnod o fis Ebrill 2019 – mis Rhagfyr 2019 ac felly nid yw'n cwmpasu'r cyfnod a effeithiwyd gan bandemig COVID-19.

Bwrdd Iechyd Prifysgol Aneurin Bevan	Gwell perfformiad	Perfformiad cynaliadwy	Dirywiad mewn perfformiad	Crynodeb o berfformiad	Targedau a gyflawnwyd
AROS YN IACH – digon o wybodaeth a chymorth i reoli fy iechyd corff a meddwl	1 fesur	0 fesur	4 mesur		1 fesur
GOFAL DIOGEL – cael fy niogelu rhag niwed ac yn diogelu fy hun rhag niwed y gwn i amdano	8 mesur	0 fesur	7 mesur		2 fesur
GOFAL UNIGOL – Cael fy nhrin fel unigolyn a'm hangenion a'm cyfrifoldebau fy hun	2 fesur	1 fesur	2 fesur		1 fesur
EIN STAFF & ADNODDAU – Gallu dod o hyd i wybodaeth am sut mae'r GIG yn agored ac yn dryloyw o ran y defnydd o adnoddau a gallaf eu defnyddio'n ofalus	1 fesur	0 fesur	4 mesur		
GOFAL PRYDLON – cael mynediad prydlon i wasanaethau ar sail angen clinigol ac yn cymryd rhan mewn gwneud penderfyniadau am fy ngofal	9 mesur	1 fesur	14 mesur		6 mesur
GOFAL EFFEITHLON – derbyn y gofal a'r cymorth cywir mor lleol ag sy'n bosibl ac yn cyfrannu at wneud y gofal hwnnw'n llwyddiannus	5 mesur	0 fesur	3 mesur		
GOFAL URDDASOL – cael fy nhrin â gofal urddasol a pharchus ac rydw i'n trin eraill yr un fath	1 fesur	0 fesur	1 fesur		
Sylwer: mae'r cerdyn sgorio hwn yn ymwneud â'r cyfnod o fis Ebrill i fis Rhagfyr 2019.	Crynodeb	27 mesur	2 fesur	35 mesur	 10 mesur

Ein perfformiad mewn mwy o fanylder

Mae'r adroddiad yn rhoi gwybodaeth ar sut mae'r Bwrdd Iechyd wedi perfformio mewn perthynas â'i safonau a'i ddyheadau ei hun, yn ogystal â sut y mae wedi perfformio yn erbyn amryw o dargedau cenedlaethol y mae Llywodraeth Cymru wedi eu gosod ar gyfer holl Fyrddau Iechyd Cymru.

Fframwaith Canlyniadau GIG Cymru 2019/20 sy'n sail i fframwaith rheoli perfformiad y Bwrdd Iechyd Prifysgol ac mae'r Bwrdd yn defnyddio saith categori **Cerdyn Sgorio Cytbwys** y Llywodraeth fel penawdau er mwyn cyflwyno'r wybodaeth hon. Mae'r penawdau fel a ganlyn:

- **Cadw'n Iach:** Mae pobl yng Nghrymu'n cael yr wybodaeth a'r cymorth i reoli eu hiechyd corfforol a'u hiechyd meddwl eu hunain
- **Gofal Diogel** Caiff pobl yng Nghymru eu hamddiffyn rhag niwed a chânt gefnogaeth i amddiffyn eu hunain rhag niwed hysbys
- **Gofal Gydag Urddas:** Caiff pobl yng Nghymru eu trin ag urddas a pharch ac maent yn parchu ac yn trin eraill yn yr un modd
- **Gofal Effeithiol:** Mae pobl yng Nghymru yn cael y gofal a'r cymorth cywir mor lleol â phosibl a chânt eu galluogi i gyfrannu at sicrhad bod y gofal hwnnw'n llwyddiannus
- **Gofal Amserol:** Caiff pobl yng Nghymru fynediad amserol at wasanaethau yn seiliedig ar angen clinigol ac maent yn cymryd rhan weithredol mewn penderfyniadau ynghylch eu gofal
- **Gofal Unigol:** Caiff pobl yng Nghymru eu trin fel unigolion sydd â'u hanghenion a'u cyfrifoldebau eu hunain
- **Ein Staff a'n Hadnoddau:** Gall pobl yng Nghymru gael gwybodaeth am sut y darperir adnoddau ar gyfer y GIG a sut i wneud defnydd gofalus ohonynt

Rhoddir sicrwydd bod y Bwrdd Iechyd Prifysgol yn cyrraedd y safonau gofynnol yn y meysydd hyn yn bennaf drwy adroddiad perfformiad y Bwrdd Iechyd. Caiff ei ystyried yn rhan agored cyfarfodydd y Bwrdd Iechyd ac mae ar gael i'r cyhoedd graffu arno ar wefan Bwrdd Iechyd Prifysgol Aneurin Bevan: bipab.gig.cymru/amdanom-ni/dogfennau-allweddol/

Cadw'n Iach


Brechiadau plant

Mae gan y Bwrdd Iechyd brosesau atgoffa cadarn yn eu lle er mwyn ceisio sicrhau bod cymaint â phosibl yn manteisio ar amrywiaeth eang o frechiadau. Mae'r Bwrdd Iechyd hefyd yn annog ac yn defnyddio hysbysebion, mentrau ac ymgyrchoedd i godi ymwybyddiaeth ymysg y cyhoedd.

95% neu fwy yn manteisio ar y brechiadau ymysg y grwpiau perthnasol o blant yw'r lefel y mae angen ei chyrraedd er mwyn sicrhau bod cymunedau'n cael eu diogelu rhag brigiadau mewn achosion. Yn ystod y blynyddoedd blaenorol, cyfradd y plant pedair oed a oedd wedi eu brechu â brechiadau rheolaidd a ddefnyddiwyd fel y dangosydd cyffredinol. Bellach y prif ddangosyddion a ddefnyddir gan Lywodraeth Cymru yw'r cyfraddau sy'n manteisio ar 3 dos o'r brechlyn 6 mewn 1 erbyn i blentyn fod yn flwydd oed, a dwy ddos o'r brechlyn MMR erbyn i blentyn fod yn bump oed. Fel y gwelir yn y siart, mae'r targed o 95% ar gyfer y rheiny sy'n manteisio ar y brechlyn 6 mewn 1 yn cael ei gyrraedd yn gyson, ond er bod y perfformiad yn gwella, ni lwyddodd y Bwrdd Iechyd i sicrhau bod y nifer uchaf posib yn manteisio ar y brechlyn MMR.

Yn 2019/20, rydym wedi canolbwyntio ar weithio gyda phartneriaid o fewn Rhwydweithiau Gofal Cymdogaeth gofal sylfaenol er mwyn cynyddu'r niferoedd sy'n manteisio ar y prif frechiadau ar gyfer plant yn ardaloedd mwyaf difreintiedig y Bwrdd Iechyd er mwyn cyrraedd y safon o 95% o ran y rheiny sy'n manteisio ar y brechiadau.

Adroddiad Chwarterol ar y nifer sy'n manteisio ar frechiadau rheolaidd plant



Ffynhonnell – Crynodeb o gardiau sgôr a ddarparwyd gan Lywodraeth Cymru (5 mewn 1 cyn 2018/19)


Ysmygu

Ysmygu yw’r prif gyfrannwr y gellir ei osgoi i amrywiaeth eang o glefydau. Mae rhoi’r gorau i ysmygu’n gwneud gwahaniaeth sylweddol a mesuradwy i iechyd person.

Mae’r Bwrdd Iechyd yn monitro’r nifer sy’n defnyddio gwasanaethau rhoi’r gorau i ysmygu fel canran o’r boblogaeth sy’n ysmygwyr. Mae prawf anadl syml, sy’n mesur lefelau carbon monocsid, yn rhoi mesur syml, gwrthrychol o statws ysmygu. Bu i’r Bwrdd Iechyd, hefyd, gymryd rhan yn y fenter “Gwneud i bob Cyswllt Gyfrif” gyda’r nod o ddefnyddio ein ased mwyaf – ein gweithlu – er mwyn darparu cyngor syml ac amserol ar faterion megis ysmygu i’r cleifion y maent yn dod i gysylltiad â hwy o ddydd i ddydd.

Cyrhaeddwyd y targed sydd wedi ei osod o fewn y Cynllun Tymor Canolig Integredig ar gyfer y nifer o ysmygwyr sy’n gwneud ymgais i roi’r gorau iddi yn chwarter 3, wrth i 2.9% o’r oedolion sy’n ysmygu dderbyn triniaeth. Roedd y perfformiad yn 2019/20 hefyd yn uwch nag yr oedd yn yr un cyfnod yn ystod y blynyddoedd ariannol blaenorol

% yr oedolion sy'n ysmygu sy'n gwneud ymgais i roi'r gorau iddi drwy ddefnyddio gwasanaethau rhoi'r gorau i ysmygu




Ffynhonnell – Crynodeb o gardiau sgôr a ddarparwyd gan Lywodraeth Cymru

Mae'r graff uchod yn cymharu perfformiad yn ystod chwarter 1,2 a 3 er mwyn ceisio dangos y tuedd o flwyddyn i flwyddyn

Mae'r ganran o ysmygwyr sy'n defnyddio gwasanaethau rhoi'r gorau i ysmygu'r GIG, sy'n pasio'r prawf anadl er mwyn cadarnhau eu bod wedi rhoi'r gorau i ysmygu, wedi cynyddu eto'n 2019/20 o bron i 2% ac roedd yn uwch na'r targed o 40%.

% yr ysmygwyr sy'n defnyddio gwasanaethau rhoi'r gorau i ysmegu'r GIG sydd wedi rhoi'r gorau iddi'n llwyddiannus



Ffynhonnell – Crynodeb o gardiau sgôr a ddarparwyd gan Lywodraeth Cymru

Mae'r graff uchod yn cymharu perfformiad yn ystod chwarter 1,2 a 3 er mwyn ceisio dangos y tuedd o flwyddyn i flwyddyn.


Gofal Diogel

Cyfraddau Heintiadau Cleifion

Mae'r Bwrdd Iechyd yn cymryd diogelwch ei gleifion o ddifri. Golyga hyn wneud popeth o fewn ein gallu i leihau'r perygl o unrhyw un yn dal haint tra yn ein gofal, a hynny yn yr ysbyty ac yn y cartref. Caiff atal haint ei ystyried yn ddyletswydd ar bawb ac mae'r Bwrdd Iechyd yn ymroddedig i gefnogi staff wrth atal heintiau. Mae gan y Bwrdd Iechyd ddull gweithredu 'dim goddefgarwch' o ran cleifion yn cael eu heintio yn ein hysbytai a chaiff archwiliad manwl ei gynnal i bob achos unigol a chaiff unrhyw gamau angenrheidiol eu cymryd.

Mae'r siart isod yn dangos bod gwelliant wedi bod o ran y perfformiad treigl 12 mis ar gyfer E coli, C Difficile a Staph Aureus i bob 100,000 o'r boblogaeth ers Mawrth 2019 wrth i gyfraddau ostwng o 72.4, 26.4 a 26.2 i 26.2 i 71.7, 21.2 a 24.1 yn eu tro.

Perfformiad treigl 12 mis ar gyfer nifer achosion E coli, C Difficile a Staph Aureus i bob 100,000 o'r boblogaeth



Ffynhonnell – Iechyd Cyhoeddus Cymru


Digwyddiadau Difrifol a Digwyddiadau "Byth"

Caiff holl ddigwyddiadau difrifol a digwyddiadau byth (digwyddiadau y mae modd eu hatal yn llwyr) eu dwyn i sylw Prif Weithredwr y Bwrdd Iechyd, neu Gyfarwyddwr Gweithredol, ac mae Llywodraeth Cymru'n cael gwybod amdanynt o fewn 24 awr.

Caiff ymchwiliad llawn ei gynnal a chaiff camau eu cymryd er mwyn ceisio sicrhau nad yw'r digwyddiad yn digwydd eto.


Mae'r camau'n cynnwys creu cynllun sy'n rhoi sylw i faterion brys cyn gynted ag y bo hynny'n ymarferol. Mae'r Bwrdd Iechyd yn mynd ati'n frwd i fonitro adroddiadau ar gydymffurfiaeth o ran cyrraedd y terfynau amser, gan ganolbwyntio ar sut y gellir gwella'n barhaus. Dangosir hyn yn y siart canlynol.

O'r Digwyddiadau Difrifol y mae angen sicrwydd arnynt o fewn y mis, y % y cafwyd sicrwydd arnynt o fewn yr amserlen gytunedig



Ffynhonnell – Crynodeb o gardiau sgôr a ddarparwyd gan Lywodraeth Cymru

Nifer y Ddigwyddiadau Newydd:



Ffynhonnell – Crynodeb o gardiau sgôr a ddarparwyd gan Lywodraeth Cymru

Mae'r cynnydd yn nifer y digwyddiadau y rhoddwyd gwybod amdanynt yn ystod 2019 yn cynnwys rhai digwyddiadau a ddigwyddodd cyn hyn, ac mae hyn yn adlewyrchu'r ffaith bod y Bwrdd Iechyd yn canolbwyntio fwy fwy ar y rhain. Mae'r digwyddiadau "byth" ar ddiwedd 2019 yn ymwneud â llawdriniaethau.

O ganlyniad i'r adolygiadau rhain, mae'r Bwrdd Iechyd wedi gwella ei weithdrefnau llywodraethol o ran rheoli digwyddiadau sy'n ymwneud â diogelwch cleifion a hyfforddiant sy'n cael ei roi i staff; wedi rhoi archwiliadau diogelwch lleol ar waith ar gyfer triniaethau mewnwithiol a rhannu'r hyn sydd wedi ei ddysgu o ganlyniad i ddigwyddiadau sy'n ymwneud â diogelwch cleifion

Bwndel Gofal Chwe Cham ar gyfer Sepsis


Mae sepsis yn datblygu wrth i'r ffordd y mae'r corff yn ymateb i haint achosi i'r organau gamweithredu. Heb driniaeth effeithiol a chyflym gall sepsis achosi marwolaeth neu anabledd tymor hir.

Mae rhoi'r bwndel gofal clinigol Chwe Cham ar waith o fewn awr o ganfod sepsis mewn claf yn ddull sy'n cael ei argymhell er mwyn lleihau marwolaethau ymysg cleifion â sepsis.

Mae cydymffurfiaeth gyda Chwe Cham ar gyfer Sepsis wedi dangos y gellir lleihau'r perygl o farwolaeth o 46.6 y cant, sy'n golygu bod un bywyd ychwanegol yn debygol o gael ei achub i bob 5 cyfnod o ofal.


Mae'r siart isod yn dangos y gwelliant o ran nifer y cleifion preswyl sydd wedi derbyn y Bwndel Chwe Cham ar gyfer Sepsis o fewn 1 awr yn dilyn sgriniad positif o'i gymharu â 2018/19.

% o gleifion preswyl sydd wedi derbyn Bwndel Gofal Chwe Cham Sepsis o fewn awr o sgriniad positif



Ffynhonnell – Crynodeb o gardiau sgôr a ddarparwyd gan Lywodraeth Cymru

% o gleifion Adran Frys sydd wedi derbyn Bwndel Gofal Chwe Cham Sepsis o fewn awr o sgriniad positif



Ffynhonnell – Crynodeb o gardiau sgôr a ddarparwyd gan Lywodraeth Cymru

Gellir dod o hyd i fwy o wybodaeth ar ddiogelwch y gofal a'r gwasanaethau yr ydym yn eu darparu yn ein Datganiad Ansawdd Blynyddol wrth ddilyn y ddolen isod:

bipab.gig.cymru/amdanom-ni/dogfennau-allweddol/


Gofal Gydag Urddas

Nod y Bwrdd Iechyd yw darparu'r gofal a'r driniaeth orau posib. Mae'n croesawu sylwadau ac rydym eisiau dysgu o brofiadau pobl. Mae'r mwyafrif helaeth o bobl yn hapus gyda'r gwasanaeth y maent yn ei dderbyn, fodd bynnag, efallai nad yw pethau'n mynd cystal â'r disgwyl ar brydiau.

Mae'r Bwrdd Iechyd yn ymroddedig i wneud yn siŵr bod y broses rheoli pryderon, yn agored, hygyrch a theg. Er mwyn cefnogi hyn, mae dull cyson a safonol wedi cael ei fabwysiadu er mwyn delio â phryderon yn unol â gofynion Rheoliadau (Pryderon, Cwynion ac Iawn) (Cymru) 2011.

O gymharu Chwarter 3 2019/20 gyda blynyddoedd blaenorol, gwelwyd cynnydd o ran perfformiad o dros 20% yn y nifer y cwynion y cafwyd ymateb llawn neu ymateb interim iddynt o fewn 30 diwrnod gwaith o dderbyn y gwyn.

% o gwynion y cafwyd ymateb terfynol/ymateb interim iddynt <30 diwrnod gwaith wedi derbyn y gwyn



Ffynhonnell – Crynodeb o gardiau sgôr a ddarparwyd gan Lywodraeth Cymru

Gofal Effeithiol

Oedi Wrth Drosglwyddo Gofal

Mae'r Bwrdd Iechyd yn cydnabod bod cleifion ar brydiau yn wynebu oedi o ran dychwelyd adref neu gael eu trosglwyddo i amgylchedd gofal gwahanol.


Er bod hyn yn broblem ar draws y DU, caiff ymdrech sylweddol ei gwneud er mwyn ceisio lleihau'r niferoedd sy'n aros a'r amser y maent yn aros o ganlyniad i resymau iechyd a gofal cymdeithasol. Fodd bynnag, un o'r prif resymau dros yr oedi yw dewis y claf a materion sy'n ymwneud â theuluoedd o ran dewis cartref nyrsio neu gartref preswyl, neu gorfod aros am le.

Mae gan y Bwrdd Iechyd Bolisi Dewis Llety er mwyn sicrhau bod cleifion a'u teulu'n cael mwy o gefnogaeth wrth wneud penderfyniadau am eu gofal yn y dyfodol ac o ganlyniad, lleihau'r oedi. Rydym yn gweithio'n agos gydag awdurdodau lleol er mwyn datrys y problemau sy'n ymwneud ag oedi o ganlyniad i ddiffyg llety priodol.

Yn 2019/20 roedd gostyngiad yn y cyfartaledd misol o ran cleifion dros 75 oed a hŷn, nad oeddynt yn gleifion iechyd meddwl, a wynebodd oedi wrth gael eu trosglwyddo o'i gymharu â mis Ebrill i fis Rhagfyr 2018/19, wrth i'r cyfartaledd ostwng o 73 y mis i 67.

Roedd gostyngiad hefyd yn nifer y cleifion iechyd meddwl a wynebodd oedi wrth gael eu trosglwyddo, ac ni roddwyd gwybod am unrhyw oedi yn ystod mis Rhagfyr 2019.

Nifer poblogaeth Gwent a wynebodd oedi wrth drosglwyddo gofal (cleifion iechyd meddwl = bob oed, cleifion nad ydynt yn gleifion iechyd meddwl = 75 oed a hŷn)



Ffynhonnell – Crynodeb o gardiau sgôr a ddarparwyd gan Lywodraeth Cymru


Cyfraddau Marwolaeth

Er bod marwolaeth ar ddiwedd cyfnod yn yr ysbyty weithiau'n anochel, mae'n holl bwysig bod y Bwrdd Iechyd yn monitro ac yn bod yn gwbwl agored wrth adrodd ar y cyfraddau er mwyn gwneud yn siŵr bod y perygl o farwolaethau y gellir eu hosgoi'n aros cyn ised â phosibl i'n holl gleifion.

'Cyfradd fras marwolaethau' yw'r ganran o gleifion sy'n marw ar ôl cael eu derbyn i un o'n hysbytai. Caiff y cyfraddau rhain eu monitro ar gyfer pob claf, ond yn genedlaethol y gyfradd ar gyfer cleifion sy'n iau na 75 oed sy'n cael ei mesur.

Adroddodd y Bwrdd Iechyd bod gostyngiad wedi bod yn y gyfradd fras marwolaethau (treigl 12 mis) yn ystod 2018/19 a bod perfformiad wedi bod yn gyson yn ystod 2018/19 gyda'r gyfradd yn sylweddol is o'i chymharu â Byrddau Iechyd eraill ar draws Cymru.

Cyfradd fras marwolaethau ymysg cleifion <75 mlwydd oed




Ffynhonnell – icompare - CHKS

Yn 2014, cynhaliodd yr Athro Stephen Palmer adolygiad o'r defnydd o ystadegau marwolaeth wedi'u haddasu yn ôl risg o fewn y GIG yng Nghymru a gwnaeth nifer o argymhellion i Lywodraeth Cymru a GIG Cymru er mwyn gwneud yn siŵr bod ganddynt wybodaeth ystyrlon i ddisgrifio safon y gofal a ddarperir yn ysbytai Cymru, gan gynnwys adolygiad amserol o farwolaethau mewn ysbytai, gwelliant o ran codio clinigol a chyfranogiad llawn mewn archwiliadau clinigol cenedlaethol.

Mae'r Bwrdd Iechyd yn gwella ei brosesau o ran Archwiliad Clinigol Cenedlaethol er mwyn sicrhau y gall gymryd rhan lawn ym mhob Archwiliad Clinigol Cenedlaethol pwysig ac mae adroddiadau'r archwiliadau'n rhoi gwir ddarlun o wasanaethau a thriniaethau. Gellir defnyddio adroddiadau archwiliadau i helpu i wella ein gwasanaethau...

% adolygiadau unffurf i farwolaethau'n cael eu cynnal o fewn 28 niwrnod yn dilyn y farwolaeth



Ffynhonnell – Crynodeb o gardiau sgôr a ddarparwyd gan Lywodraeth Cymru


Prif God Diagnosis

Mae'r wybodaeth fanwl sy'n llunio naratif a chynnwys cofnod clinigol claf yn ystod eu hamser yn yr ysbyty'n hanfodol o ran rheoli a gwneud y gorau o'r gofal y mae'r claf yn ei dderbyn tra mae'n aros yn yr ysbyty ac os y byddant yn gorfod aros yn yr ysbyty eto yn y dyfodol. Fodd bynnag, os yw'r wybodaeth hon am gael ei defnyddio at ddibenion dadansoddi, cynllunio ac adrodd, mae'n rhaid iddi gael ei chategoreiddio a'i chofnodi fel cod clinigol.

Mae'n bwysig bod hyn yn cael ei wneud cyn gynted â phosibl wedi i'r claf adael yr ysbyty er mwyn gwneud yn siŵr bod y wybodaeth ar gael i ystod eang o ddefnyddwyr, megis y gwasanaethau prisio a chynllunio. Am y rheswm yma, mae'r Bwrdd Iechyd yn monitro amserlenni codio'n fanwl ac yn adrodd arnynt.

Gwelwyd gwelliant yn erbyn y targed yn ystod y flwyddyn wrth i berfformiad gynyddu o 65.5% o fis Mawrth 2019 i 88.1% erbyn mis Rhagfyr 2019.

% prif god diagnosis dilynys mis wedi'r digwyddiad (targeted = 95%)




Ffynhonnell – Crynodeb o gardiau sgôr a ddarparwyd gan Lywodraeth Cymru

Mae safon data cywir a chodio clinigol yn holl bwysig er mwyn cefnogi gofal cleifion a gwneud yn siŵr bod y wybodaeth yn cael ei defnyddio er mwyn gwella gofal iechyd yn ogystal â chyfrannu at reoli'n effeithiol.

Yn ogystal â gwelliant o ran codio o fewn mis yn unig, gwelwyd gwelliant, hefyd, o ran cywirdeb codio, wrth i berfformiad godi o bron i 2% i bron i 95% yn mis Rhagfyr 2019.

% cywirdeb o ran codio a gyrhaeddwyd yn rhaglen archwilio cywirdeb codio clinigol cenedlaethol y NWIS




Gofal Amserol

Mynediad at Feddyg Teulu

Gall cael mynediad at apwyntiad gyda Meddyg Teulu ar amser cyfleus fod yn anodd, yn enwedig i bobl sy'n gweithio llawn amser, neu bobl sydd ag ymrwymïadau teuluol neu ymrwymïadau heriol eraill. Mae ymestyn oriau agor yn gwella'r mynediad yma.

Mae'r ganran o bractisiau Meddyg Teulu sy'n cynnig apwyntiadau rhwng 5pm a 6.30pm o leiaf 5 noson yr wythnos wedi bod yn uwch na 95% yn gyson yn ystod y 5 mlynedd ddiwethaf.

Canran o bractisiau Meddyg Teulu sy'n cynnig apwyntiadau rhwng 17:00 a 18:30 bob dydd



Ffynhonnell – Crynodeb o gardiau sgôr a ddarparwyd gan Lywodraeth Cymru


Amseroedd aros rhwng atgyfeiriadau Meddygon Teulu a Thriniaethau

Gall aros am apwyntiad claf allanol, ymchwiliad neu driniaeth yn dilyn atgyfeiriad gan Feddyg Teulu achosi pryder ac ansicrwydd. Mae'r Bwrdd Iechyd yn monitro ac yn adrodd ar yr amser y mae'n rhaid i gleifion aros, ac maent yn gweithio'n frwd i geisio lleihau amseroedd aros.

Cafodd y newidiadau a gyflwynwyd gan Lywodraeth y DU o ran rhyddhad treth pensiwn yn ystod 2019/20 effaith sylweddol ar y gallu i gyflawni'r un lefel o weithgarwch ag a gyflawnwyd yn 2018/19 pan welwyd gwelliannau sylweddol o ran lleihau'r nifer o gleifion a oedd yn aros yn hir yn dilyn atgyfeiriad.


O ganlyniad i'r newidiadau i ryddhad treth pensiwn, cyflwynwyd proffiliau wedi'u diwygio i Lywodraeth Cymru mewn perthynas â RTT ac roedd y Bwrdd Iechyd ar y trywydd iawn o ran cyflawni'r rhain cyn pandemig COVID, a arweiniodd at ohirio holl weithgaredd gofal wedi'i gynllunio.

Canran y cleifion sy'n aros llai na 26 wythnos am driniaeth yn dilyn atgyfeiriad



Ffynhonnell – Crynodeb o gardiau sgôr a ddarparwyd gan Lywodraeth Cymru

Nifer y cleifion sydd wedi aros yn hirach na 36 wythnos am driniaeth




Ffynhonnell – Crynodeb o gardiau sgôr a ddarparwyd gan Lywodraeth Cymru

% y cleifion sy'n aros llai na 8 wythnos am brofion diagnosis penodol

Mae'r Bwrdd Iechyd wedi gwneud gwelliannau sylweddol o ran yr amser aros am brofion diagnosis yn ystod y blynyddoedd diwethaf, wrth i'r ganran o gleifion sy'n aros dim hirach na 8 wythnos aros yn gyson uwch na 98% rhwng mis Ebrill a mis Rhagfyr 2019.

Nifer sy'n aros dros 8 wythnos am brawf diagnostig a'r % sy'n aros llai na 8 wythnos



Ffynhonnell - StatsWales

Apwyntiadau Dilynol


O'r blaen, y prif ffocws o ran amseroedd aros cleifion allanol oedd lleihau'r amser y mae claf yn aros am apwyntiad newydd neu apwyntiad cyntaf. Roedd y Bwrdd Iechyd yn canolbwyntio hefyd ar geisio sicrhau nad oedd cleifion yn gorfod aros yn hir am apwyntiad dilynol.

Cyflwynwyd mesurau newydd gan Lywodraeth Cymru yn 2019/20 a olygai bod gofyn i Fyrddau Iechyd leihau:

- Cyfanswm y cleifion ar restrau aros am apwyntiad dilynol, a
- Nifer y cleifion a oedd yn aros 100% yn hirach na'u dyddiad targed o 15% erbyn diwedd y flwyddyn ariannol.

Mae'r graff canlynol yn dangos bod y Bwrdd Iechyd wedi aros mewn sefyllfa sefydlog o ran cyfanswm y cleifion ar restrau aros am apwyntiad dilynol o ddiwedd mis Mawrth nes mis Medi 2019. O fis Medi ymlaen, rhoddwyd mwy o bwyslais ar gyflawni'r gostyngiadau wedi eu cynllunio a gytunwyd gyda Llywodraeth Cymru er mwyn cyrraedd y targed o ostyngiad o 15%. Ar ddiwedd mis Rhagfyr 2019, roedd y Bwrdd Iechyd wedi cyrraedd y targed o ran gostyngiad yn y cyfanswm o gleifion ar restr aros am apwyntiad dilynol, gyda 19% yn llai yn aros

Nifer y cleifion sy'n aros am apwyntiad claf allanol dilynol




Ffynhonnell – Crynodeb o gardiau sgôr a ddarparwyd gan Lywodraeth Cymru

Mae'r targed o 100% yn dangos faint o gleifion sydd wedi gorfod aros yn llawer hirach na'u dyddiad targed gwreiddiol am apwyntiad dilynol. Er enghraifft, os mai'r bwriad yw gweld claf 2 wythnos ar ôl eu hapwyntiad diwethaf, ond eu bod yn dal i aros 4 wythnos yn ddiweddarach, yna mae'r claf dan sylw'n wynebu oedi o 100%.

Mae'r graff isod yn pwysleisio bod y Bwrdd Iechyd wedi gweld cynnydd yn y cleifion sy'n wynebu oedi o 100% yn ystod mis Awst a mis Medi 2019 – mae hyn yn rhannol am nad oedd rhai cleifion ar gael yn ystod cyfnod y gwyliau. O fis Hydref ymlaen, canolbwyntiodd y Bwrdd Iechyd ar roi ei gynllun gwella ar waith er mwyn lleihau nifer y cleifion sy'n aros yn hirach nac y dylent am eu hapwyntiad dilynol.

Nifer y cleifion sy'n aros am apwyntiad claf allanol dilynol sy'n wynebu oedi o dros 100%



Ffynhonnell – Crynodeb o gardiau sgôr a ddarparwyd gan Lywodraeth Cymru

Mesurau Gofal Llygaid


Cyflwynodd Llywodraeth Cymru, hefyd, fesurau newydd ar gyfer amseroedd aros am ofal llygaid yn 2019/20, a olygai bod claf yn cael targed unigol a Ffactor Risg Iechyd yn seiliedig ar y risg clinigol o niwed sy'n gysylltiedig â'u cyflwr.

Golyga hyn y dylai llai o oedi ddigwydd o ran cleifion sy'n wynebu'r risg mwyaf o ddatblygu clefyd y llygad ac sydd angen cael eu gweld yn gyflym.

Ar ddechrau'r flwyddyn, ni roddwyd Ffactor Risg Iechyd i nifer o gleifion ar gychwyn eu llwybr clinigol, a rhoddwyd prosesau yn eu lle er mwyn sicrhau bod y wybodaeth yn cael ei chasglu'n ddi-amod.


Cynyddodd nifer y cleifion sydd â Ffactor Risg Iechyd ac sydd ar restr aros o 86% ar ddechrau'r flwyddyn i dros 99% erbyn mis Rhagfyr 2019.

% o gleifion offthamoleg sydd â Ffactor Risg Iechyd (FfRI) wedi ei benodi iddynt



Wrth i FfRI gael ei ddynodi i fwy o gleifion, gwaethygodd y perfformiad ar gyfer y cleifion a roddwyd yn y categori R1 (risg mwyaf o niwed) a oedd yn aros yn hirach na 15% o'u dyddiad targed ar gychwyn y flwyddyn, fodd bynnag mae'r perfformiad wedi gwella ers mis Awst 2019.

% o gleifion offthamoleg R1 sy'n aros o fewn dyddiad targed neu o fewn 25% o'r dyddiad targed am apwyntiad claf allanol




Gofal Strôc


Mae'r Bwrdd Iechyd yn defnyddio cyfres o safonau gwella ansawdd er mwyn monitro ansawdd y gwasanaethau a ddarperir i bobl sydd wedi cael strôc. Mae'r safonau'n disgrifio'r pethau a ddylai ddigwydd o fewn cyfnodau penodol o amser. Mae Llywodraeth Cymru'n cyhoeddi is-set gyfyngedig o safonau er mwyn monitro perfformiad. Mae'r siart isod yn dangos perfformiad y Bwrdd Iechyd yn erbyn y set lawn o dargedau.

Gwelwyd gwelliannau o ran nifer y cleifion a aseswyd gan ymgynghorydd strôc o gychwyn y flwyddyn ariannol ymlaen, wrth i ganran y cleifion a aseswyd gynyddu o 81% ym mis Ebrill i 97% erbyn mis Rhagfyr 2019. Gwelwyd y cynnydd o ran nifer y cleifion a gafodd driniaeth thrombolysis o fewn 45 munud a welwyd yn ystod 2018/29 yn parhau yn ystod 2019/20.


<= 45 munud: Triniaeth thrombolysis gydag amser drws i nodwydd



4 awr: Claf yn cael ei gyflwyno'n syth i arbenigwr ar Strôc Ddifrifol



24 awr: Asesiad gan Ymgynghorydd Strôc



Ffynhonnell – Ffigurau a gynhyrchwyd gan yr Uned Gyflenwi


Gofal Brys

Mae perthynas agos rhwng effeithiolrwydd ac effeithioldeb pob gwasanaeth brys. Os oes angen i griwiau ambiwlans aros yn hir er mwyn trosglwyddo eu claf i'r Adran Damweiniau ac Achosion Brys oherwydd tagfeydd a chleifion sy'n aros yn hir, nid ydynt ar gael i ateb galwadau brys.

Yn ystod cyfnodau lle gwelir tywydd oer iawn, mae ysbytai'n dod yn brysur iawn o ganlyniad i'r nifer uchel o gleifion gwael iawn sy'n cyrraedd yno. Golyga hyn bod pobl sy'n llai sâl yn aros yn hirach er mwyn cael eu gweld yn yr Adran Ddamweiniau ac Achosion Brys.


Mae pobl weithiau'n aros am gyfnodau hir yn yr adran Ddamweiniau ac Achosion Brys cyn iddynt gael eu rhyddhau, eu cadw i mewn neu eu trosglwyddo. Mae hyn yn achosi pryder i'r Bwrdd Iechyd am ei fod yn gweithio'n frwd i geisio gwella'r sefyllfa.

% o gleifion newydd sy'n treulio dim mwy na 4 awr mewn Adran Ddamweiniau ac Achosion Brys (targed 95% - perfformiad oren >90%)




Ffynhonnell – Crynodeb o gardiau sgôr a ddarparwyd gan Lywodraeth Cymru

Nifer y cleifion sy'n treulio 12 awr neu fwy yn yr Adran Ddamweiniau ac Achosion Brys:




Ffynhonnell – Crynodeb o gardiau sgôr a ddarparwyd gan Lywodraeth Cymru

% o'r ymatebion i alwadau ambiwlansiau coch o fewn 8 munud (targed 65%)



Ffynhonnell – Crynodeb o gardiau sgôr a ddarparwyd gan Lywodraeth Cymru

Nifer o drosglwyddiadau o ambiwlans i'r Adran Ddamweiniau ac Achosion Brys sy'n digwydd ar ôl awr



Ffynhonnell – Crynodeb o gardiau sgôr a ddarparwyd gan Lywodraeth Cymru

Fel rhan o gynlluniau'r Bwrdd Iechyd ar gyfer y gaeaf, cymerwyd nifer o gamau er mwyn lleihau oedi wrth drosglwyddo cleifion o ambiwlans. Roedd y camau rhain yn cynnwys defnyddio cyfleuster *Paramedic Offliad Decant* (POD) yn Ysbyty Brenhinol Gwent, er mwyn helpu i drosglwyddo cleifion i'r ysbyty'n gynt a rhyddhau criwiau ambiwlans yn gynt. Roedd hyn mewn lle o fis Chwefror 2020 ymlaen a gwnaeth gyfraniad sylweddol tuag at leihau'r oedi wrth drosglwyddo cleifion o ambiwlans yn ystod gweddill blwyddyn ariannol 2019/20


Gofal Cancer

Mae'r Bwrdd Iechyd yn hynod ymrwymedig i ddarparu gofal ardderchog i gleifion cancer ac agwedd bwysig o'r gofal yw mynediad prydlon i wasanaethau cancer.

Byddwn yn parhau i ganolbwyntio ar gynnal a gwella perfformiad yn ystod y 12 mis nesaf o ran amser aros am driniaethau cancer.

Ar gyfer cleifion sy'n cael eu hatgyfeirio gydag amheuaeth o ganser, y nod yw ceisio cael diagnosis a chychwyn eu triniaeth o fewn 62 diwrnod. Mae'r targed cenedlaethol yn gofyn bod o leiaf 95% o gleifion yn cael triniaeth o fewn yr amserlen yma.

% o gleifion a gafodd atgyfeiriad brys oherwydd amheuaeth o ganser a welwyd o fewn 62 diwrnod (targed 95%)




Ffynhonnell – Dangosfwrdd Perfformiad Integredig

Weithiau caiff cleifion eu hatgyfeirio am resymau anghysylltiedig, ond daw i'r amlwg yn ddiweddarach bod canser arnynt. Pan mae hyn yn digwydd, mae'r Bwrdd Iechyd yn anelu i gychwyn eu triniaeth o fewn 31 diwrnod wedi i'r diagnosis gael ei wneud. Y targed cenedlaethol yw sicrhau hyn ar gyfer 98% o'r cleifion.

Yn 2019/20, roedd y perfformiad yn aros yn gyson o gwmpas y targed o 98%, ac roedd y targed yn cael ei gyrraedd yn ystod sawl mis.

% y cleifion a gafodd eu gweld o fewn 31 diwrnod yn dilyn atgyfeiriad nad oedd yn un brys oherwydd amheuaeth o ganser (targed 98%)



Ffynhonnell – Dangosfwrdd Perfformiad Integredig

Iechyd Meddwl

Mae'r gofal a ddarperir i gleifion sydd â phroblemau iechyd meddwl yr un mor bwysig â'r gofal a roddir i gleifion sydd a phroblemau iechyd corfforol.


Er bod y Bwrdd Iechyd yn parhau i ddarparu gwasanaethau sydd wedi eu lleoli mewn ysbytai ar gyfer pobl sydd â phroblemau iechyd meddwl, caiff mwy o wasanaethau, bellach, eu darparu mewn lleoliadau gofal sylfaenol a lleoliadau gofal cymunedol.

Yn 2019/20 mae'r Bwrdd Iechyd wedi llwyddo yn gyson i gwrdd â'r targed 28 diwrnod rhwng atgyfeirio ac asesiad, ar gyfer cleifion a welir gan Wasanaethau Cymorth Iechyd Meddwl Gofal Sylfaenol Lleol.

Er nad yw'r Bwrdd wedi bod yn cwrdd yn gyson â'r targedau ar gyfer cleifion

sy'n derbyn ymyriadau therapiwtig o fewn 28 diwrnod o'r dyddiad y cânt eu hasesu, gwelwyd gwelliant o fis Awst 2019 ymlaen wrth i'r perfformiad godi'n uwch na' pherfformiad y flwyddyn ariannol flaenorol.

% yr asesiadau a wnaed gan y Gwasanaethau Cymorth Iechyd Meddwl Gofal Sylfaenol Lleol o fewn 28 diwrnod o ddyddiad yr atgyfeiriad a'r % o ymyriadau therapiwtig yn dilyn yr asesiad gan y Gwasanaethau Cymorth Iechyd Meddwl Gofal Sylfaenol Lleol:




Ffynhonnell – Crynodeb o gardiau sgôr a ddarparwyd gan Lywodraeth Cymru

Yn 2019/20 cyflwynwyd mesurau ychwanegol er mwyn monitro faint o amser sy'n rhaid ei aros cyn cael mynediad at ofal eilaidd ar gyfer triniaeth seicolegol mewn iechyd meddwl oedolion, ac ar gyfer plant a phobl ifanc sy'n aros i gael asesiad niwroddatblygiadol am ADHD neu ASG.

Er na chyrhaeddwyd y targed ar gyfer nifer y cleifion sy'n aros i gychwyn therapi seicolegol, gwelwyd cynnydd parhaus o fis Awst 2019 ymlaen, wrth i'r perfformiad wella o 7% erbyn mis Rhagfyr 2019, gan gynyddu o 63% i 70%.


% y cleifion sy'n aros llai na 26 wythnos cyn cychwyn therapi seicolegol mewn iechedd meddwl oedolion arbenigol



Ffynhonnell – Crynodeb o gardiau sgôr a ddarparwyd gan Lywodraeth Cymru

Mae'r targed ar gyfer y ganran o blant a phobl ifanc sy'n aros llai na 26 wythnos cyn cychwyn asesiad niwroddatblygiadol ADHD neu ASD wedi ei gyrraedd yn barhaus ers mis Awst 2019 wrth i berfformiad gynyddu o 76% ar gychwyn y flwyddyn i 86% erbyn mis Rhagfyr 2019.

% o blant / pobl ifanc sy'n aros llai na 26 wythnos cyn cychwyn asesiad niwroddatblygiadol ADHD neu ASD



Ffynhonnell – Crynodeb o gardiau sgôr a ddarparwyd gan Lywodraeth Cymru


Torri Clun

Mae torri clun yn un o'r problemau mwyaf cyffredin a mwyaf difrifol sy'n effeithio pobl hŷn, a dyma'r rheswm mwyaf cyffredin dros dderbyn cleifion i'r ward orthopedig.

Ymysg pobl hŷn, mae torri clun yn gysylltiedig â chyfradd o 7-14% o farwolaethau mewn ysbytai, a gall amharu dros dro, ac weithiau'n barhaol, ar annibyniaeth ac ansawdd bywyd.

Mae'r siart canlynol yn dangos bod y Bwrdd Iechyd wedi dangos gwelliant o ran y gyfradd oroesi ar gyfer cleifion a dderbynir ar frys wedi iddynt dorri eu clun.

% sy'n goroesi o fewn 30 diwrnod o gael eu derbyn ar frys wedi iddynt dorri eu clun



Ffynhonnell – Crynodeb o gardiau sgôr a ddarparwyd gan Lywodraeth Cymru

Gofal Unigol


Nifer o alwadau i linellau cymorth cenedlaethol (C.A.L.L./Dementia/DAN)

Er nad yw'r Bwrdd Iechyd yn rheoli'r gwasanaethau rhain yn uniongyrchol, mae'n derbyn gwybodaeth am nifer y bobl o Went sydd wedi ffonio'r llinellau cymorth cenedlaethol rhain. Mae'r wybodaeth hon yn ein helpu i wneud penderfyniadau o ran targedu gwasanaethau er mwyn gwneud yn siŵr eu bod yn cael eu teilwra i gwrdd ag anghenion ein poblogaeth leol.

Isod mae rhestr o'r llinellau cymorth sy'n darparu'r wybodaeth hon:

- **C.A.L.L.– Community Advice & Listening Line** (Cynnig cefnogaeth emosiynol a gwybodaeth/deunydd ar Iechyd Meddwl a materion cysylltiedig)
- **Llinell Gymorth Dementia Cymru** (cynnig cefnogaeth emosiynol i unrhyw un, o bob oed, sy'n gofalu am rhywun sydd â dementia yn ogystal ag aelodau eraill o'r teulu neu ffrindiau. Bydd y gwasanaeth hefyd yn fodd o gefnogi'r rheiny sydd wedi cael gwybod bod dementia arnynt)
- **DAN 247** (llinell gymorth cyffuriau ac alcohol Cymru)

Galwadau i linellau cymorth cenedlaethol




Ffynhonnell – Crynodeb o gardiau sgôr a ddarparwyd gan Lywodraeth Cymru

Mae gwasanaethau sy'n canolbwyntio ar yr unigolyn ac sy'n galluogi pobl i benderfynu a chofnodi pa ofal y byddant yn ei dderbyn yn holl bwysig o ran cyrraedd y safonau uchaf posib o ofal.

Yn 2019/20 roedd y ganran o gleifion (o bob oed) a oedd wedi cael Cynllun Gofal a Thriniaeth dilys wedi ei gwblhau ar eu cyfer ar ddiwedd bob mis yn uwch na'r targed ym amlach na pheidio – methwyd â chwrdd â'r targed yn ystod un mis yn unig.


Anfonwyd adroddiad canlyniad asesiad at bob claf a aseswyd o fewn 10 diwrnod gwaith.

% o gleifion (bob oed) a gafodd Gynllun Gofal a Thriniaeth dilys wedi ei gwblhau ar ddiwedd bob mis (targed 90%)



Ffynhonnell – Crynodeb o gardiau sgôr a ddarparwyd gan Lywodraeth Cymru

% y cleifion yr anfonwyd eu hadroddiad canlyniad asesiad atynt o fewn 10 diwrnod gwaith o ddyddiad eu hasesiad (targed 100%)




Ffynhonnell – Crynodeb o gardiau sgôr a ddarparwyd gan Lywodraeth Cymru

Ein Staff a'n Hadnoddau

Arfarnu Perfformiad

Mae'r Bwrdd Iechyd yn ymrwymedig i arfarnu perfformiad ac adolygu datblygiad (APAD) neu gynnal arfarniad meddygol ar gyfer pob aelod o staff bob blwyddyn. Er nad yw'r targed o 85% wedi ei gyrraedd eto, roedd gwelliant o 2% o ran y perfformiad yn erbyn y targed o'i gymharu â mis Rhagfyr 2019.

% y staff sydd wedi cael APAD/ arfarniad meddygol yn ystod y 12 mis diwethaf – pob adran a gwasanaeth




Ffynhonnell – Crynodeb o gardiau sgôr a ddarparwyd gan Lywodraeth Cymru

Salwch Staff

Mae'r Bwrdd Iechyd yn gwerthfawrogi ei staff ac mae'n ymrwymedig i ddarparu'r gefnogaeth angenrheidiol er mwyn gweud yn siŵr bod ei weithlu'n parhau'n ffit ac yn iach. Yn ogystal â theimlo'n gyfrifol dros ein staff, mae hyn hefyd y bwysig er mwyn cynnal gwasanaethau effeithiol ar gyfer y cleifion yr ydym yn gofalu amdanynt.

Yn 2019/20 mae'r ganran o staff sy'n absennol o'r gwaith oherwydd salwch, yn aml wedi bod yn uwch na'r targed o 4.99%, yn enwedig yn ystod misoedd y gaeaf, wrth i absenoldebau staff o ganlyniad i salwch gyrraedd penllanw.

% o absenoldebau staff oherwydd salwch



Ffynhonnell – Crynodeb o gardiau sgôr a ddarparwyd gan Lywodraeth Cymru